

LITŠOANTŠO TSA KRESTE

 U mosa haholo, ho ka rialo.

Ke thabile haholo ho ba ka tlung ea Morena. Sebaka se seng feela se fetisang ka molemo, 'me ke ho ba 'moho le Morena. Ha ho joalo? Ha e le... Maima 'ohle le liteko le mathata a bophelo li tla nyamella ka har'a, bokamoso bo boholo bo khanyang. 'Me ruri re lebeletse mohla re tla 'Mona.

² 'Me motho o ne a mpotsa, letsatsi le leng, ho re, "Ha u nahana, Moena Branham, na ho Khutla ha Morena ho atametse?"

Ka re, "Ruri ke etsa joalo."

Ho re, "Be, ke e utloile nako e telele."

³ "Empa," ka re, "ka letsatsi le leng u tla e utloa lekhetlo la ho qetela." Le a bona? Ke hantle, hoba O—O tla fihla ka letsatsi le leng. 'Me leha e ka ba neng, ke batla ho lula ke lokile. Ke... hoo ke...

⁴ Re ne re bua, letsatsi le leng, ka pel'a borakhwebo ba bang, bona e le maqoetha, le joalo-joalo. 'Me—"me ba re... E mong o itse, "Morero oa hau—oa hau o moholo ke ofe bophelong?"

Ka re, "Oa ka o mong."

A re, "Ke ofe?"

⁵ Ka re, "Ho pholosetsa Kreste meeaa." Ke eona—ke eona ntho feela eo ke...

⁶ Phehelo ea ka e holimo, le eona feela tabatabelo, ke ho bona Jesu Kreste a tlotlisitsoe. Ke phelela seo.

⁷ 'Me ke thabile haholo, bopaki ba rona, hore lilemong tse mashome a mararo a motso o mong joale, ke Mo sebelelitse ka boikokobetso. Ha nka phela lilemo tse milione, nka phela bophelo bo kaalo, ke batla ho Mo phelela motsotso o mong le o mong oa bona. Hoba ke... 'Me holake tsebile hoba ke tla haneloa qetellong, ke monyetla o moholo hakana ho Mo phelela! Ke oa 'nete ebile o molemo haholo!

⁸ 'Me ha ke eso fumane letho, maetong 'ohle a bophelo ba ka, ho ka bapisoang le botsoalle ba rona 'moho ha re le bang, 'na le Eena. Ha ho seqoqo se fetisang ka monate. Se fetisa lerato la ntho efe, la mosadi, bana, kapa ntho efe, ke lerato la Kreste. Le letle haholo.

⁹ Joale, re thabile haholo ho bona tsoseletso ena e tsoelapele vekeng. 'Me ke utloile hore Moena Parnell, le ba bang, esale ba hlahisa puo e kholo mona. 'Me rea tšepa hore mehleng ea tsoseletso ena...

¹⁰ Ka linako tse ling tsoseletso ha e utloisisoe. Motho e mong o nahana hore tsoseletso ke ho hlahlala litho tse ncha kahar'a

kereke. Che. Liphetho tsa tsoseletso ke tseo. Empa tsoseletso ke ho tsoseletsa se seng se le ka har'a kereke. Le a bona? Ke ho—ke ho tlisa seo.

¹¹ Ka mohla o mong ke ne ke eme lebopong la leoatle, 'me ke—ke kholoa ke e qotsitse hangata, empa ke . . . e ne e le khale, lilemong tse fetileng. 'Me e le khetlo la pele nkile ka bona, che, e ne e se leoatle, e ne e le Letsha la Michigan. 'Na le Hope re ne re nyolohetse Sebokeng sa Lefatše. E ne e le koana, kea kholoa, ka bo 1922, Moena Egan, haeba ke hopola ka bokhabane, mohla Seboka sa Lefatše se ne se le koana—koana Chicago. E ne e le lekhetlo la ka la pele ke bona maliba a maholo a metsi. 'Me ka ema kantle mono letsatsing leo, ka bona maqhubu a maholo ao. Ho joalo feela ka . . . Hoseng ha Paseka, ba ne ba tšoere tšebeletso ea ho chaba ha letsatsi kantle mono. Le ho bona maqhubuhali ao a kena le ho tsoa, 'me, oh, a bonahetse a thabile haholo.

¹² Empa ka nahana, "U a tseba, metsi a letšeng leo ha a eketseha, ha a ntse a tsoelapele joalo, ho feta ha le khutsitse ka ho phethahetseng. Metsi a sa ntse a lekana, ha ho lerootholi le eketsehileng hape." Empa ka nahana, "Be, hobane'ng e—e meea e theoha 'me—'me e tsokotsa letša joalo?" Ke ho hlekela kantle lithôle tsohle letšeng. Le a bona? A lahlela linyee tsohle lebōpong. Ha . . .

¹³ Ke ntano nahana, "Ekare letša le tšoere tsoseletso." Le a bona? O a le sisinya, le ho le tlolakisa, le ho le reketlisa hohle, ho fihlela manya 'ohle a tsoile. Le tsoseletso e joalo feela, ke ho re lumella ho kena Moeeng oa Morena, le ho thaba, le ho lokisa liphoso, le ho tsamaea haufinyana, le ho hloekisa, le boinehelo, ho fihlela lintho tsohle le lipelaelo tsa lefatše li lahletsoe tsohle kantle lebopong, le a bona. E ntano ba, tsela e hlekehileng, ho qala moo ho ea pele, ha sekepe sa khale sa bophelo se qala se khohlopeha har'a eona. Oh, ha u a tlameha ho sheba hakaalo, hobane tsohle li tlohile tseleng. Ke botle boo.

¹⁴ Be, bosiung bona, ha re batle ho boloka nako e telele haholo, ka ha e le Mantaha bosiu, le bosiu ba pele ba veke, ho ea ho bosiu ba tsoseletso ea rona. 'Me ke ne ke thabile haholo ho tsebisa hore tsoseletso e tsoelapele.

¹⁵ 'Me ke na le metsoalle e mengata. Ke bona baena ba bang mona, le batho ba mphetetseng litoro tseo ba li lorileng, livekeng tse 'maloa tse fetileng. 'Me Morena o nthusitse ho fumana koahollo ea lintho tseo joale. Ha ke tsebe hore na ke mang ea leng har'a rona, le baeti ba bakae, kapa eng-hape. Empa Morena Molimo o sa ntse a hlalosa litoro. Li nepahetse 'me li phethahetse.

¹⁶ 'Me ke Oona Molimo oa mehleng ea Josefa, mohla—mohla khosi a neng a lora litoro. 'Me a mo hlalosetsa, 'me ea nephala. 'Me tse ling tsa litoro tseo li tiiselitse le kajeno. Liphetho

tsa tsona li ntse li tsoela pele. Le, Daniele, matsatsing a Nebukadenesare.

¹⁷ 'Me molisa oa rona ea khanyang, e monyenyan, ea ikokobelitseng o boletse, metsotsong e 'maloa e fetileng, be, o—o ne a sa batle ho nköpa ho thusa ho feta moo vekeng ena. A re, "Ke a tseba hore u khatetse, Moena Branham. Empa," ho re, "be," a re, "re mpa re lebeletse 'me rea ipotsa." Ho lokile.

¹⁸ Ebile, ke ile ka tlameha ho hlakola kopano ea Sydney, Australia, ka hobane ha ba ntumelle visa khetlong lena, le a bona, ho tloha States nakong ena. 'Me, ka hona, le lintho tse ling, ka baka leo ha ke khone ho ea hantle nakong ena. Ha ke tsebe mohla ke tla khona ho ea. Empa haufinyane ke tla khona. Empa e re re sa tlameha ho e khutlisetsa morao nakoana, ke ea Chicago joale, ho ea—ho ea kopanong e Chicago, e tlang. Etsoe, ba phatlalalitse hore ke tla fihla, empa 'na ke sa tsebe. Mohla ke ne ke lokela ho ba moo, ke ne ke lokela ho ba Fiji Isles, moo ba boletseng ho tla phutheha batho ba bangata, hape, lihlekehlekeng. Empa nke ke ka khona honka kopano hona joale, mono, ka lebaka la litokelo tsa visa. 'Me, empa, ke tla khona, haufinyane. Ba mpa ba eme feela.

¹⁹ Joale ke tla be ke le Chicago. Gene, na u tseba matsatsi ao? O teng motho ea tsebang se neng se phatlalalitsoe? Ha ke tsebe le hore e ne e le neng. Ke e bone feela ho *The Herald Of Faith*. Kea kholoa e qala ka la 4 kapa la 5 khoeling, kapa ntho e kang eo. Kapa, ke ho e latelang, e ka ba veke ho tloha joale, matsatsi a leshome. 'Me ka hona ke bile tlas'a khatello e ngata, 'me ke lakatsa lithapelo tsa lona.

²⁰ Joale, bosiung bona, ke khethile ho bala Lengolo le itseng, haeba le rata ho bala le 'na, ho tsoa ho Santa Johanne khaolo ea 13, karolo feela. Lona ba behang Libibele tsa lona haufi, 'me le rata ho bala le latetse, ha re ntse re bala.

²¹ 'Me hang ka mora tšebeletso ena, bosiung bona, ke boitlhakisetsa ba lenyalo mona. Ka hona, hang feela ha re tsoa, ha re ka potlaka, kamoo re khonang. Eseng ho potlaka; empa hang ha mohaho o le lephaka, joale ba batla ho itlhakisetsa lenyalo. 'Me ho tla ts'oaroa lenyalo mona, hosane bosiu. Bana ba rona ba babeli botsoalleng ba tabernakele ena ba tla chata hosane bosiu, joalokaha bohole le tseba. Moena oa rona ea ratehang, David Wood o a nyala, o nyala Marilyn Jefferies, hosane bosiu, tabernakeleng, pejana ho litšebeletso. 'Me kahoo lenyalo lena le lokela ho hlakisoa. Feel... E ke ke ea e-ba ntho e hlophiloeng ka bottlalo; e tla ba lenyalo le sa hlophisoang ka bottlalo hosane bosiu.

Joale, pele re bala Lentsoe la Hae, ha re rapeleng.

²² Ntate Molimo, re sa tla ka pel'a Sefahleho sa Hau ka hlompho e shoetseng, re jere ka pel'a rona Lebitso leo le bokhoni-bohole la Jesu, re khotsoe hoba U tla re utloa. Hobane, O itse, "Ha le kopa

Ntate eng le eng ka Lebitso la Ka, Ke tla e etsa." Ka baka leo, re atamela, joaloka balumeli ba Bakreste, ka sebete Teroneng ea mohau, re tseba sena, hore, ha lipelo tsa rona li sa re ahhole, rea tseba qelo ea rona e arabiloe ke Molimo.

²³ 'Me re rapela hore maphelo a rona a U khahlise hakaale, ka maipolelo a rona a liphoso tsa rona, le ho loka ha Hae ho re tšoarela, hore litakatso tsa rona li tle li phethisoe bosiusing bona. 'Me, Morena, takatso ea rona e kholo ke ho bona mohau oa Hau o moholo u tšolohela holima rona, 'me eona—ke, ho tšoarela libe tsa rōna le ho folisa maloetse har'a rōna. 'Me U ka bua le rona ka mokhoa oa tšenolo, kapa boporfeta, kapa ntho efe feela eo U ka lakatsang ho e bolella Kereke ea Hau. Lipelo tsa rona ebe mafiso a amohelang Moea oa Hau. Re hokanngoe hakaale le mohala oa sehlooho bosiusing bona, hore Moea o Halalelang o khone ho bua le lipelo tsa rona, le ho fumana khanya ka Boteng ba Hae.

²⁴ Joale, Morena, re rapella bohole ba kulang le ba hlokang. Hobane, pejana feela ho fihloa, joalokaha mongoli oa rona a tlisitse tafoleng ea ka, matsatsing a mabeli a fetileng, lethathama la mabitso feela, ho phatlalla le sechaba, ba mahlomoleng, ba shoang, maemo a tšohanyetso a ngotsoe ka bofubelu. 'Me eitseha ke bea monoana oa ka holima e 'ngoe le e 'ngoe ea tsona, ke theoha ka leqephe, oho Molimo, ka pel'a sefahleho sa kereke ena, bosiusing bona, ke kopa mohau le lerekola Hau, bakeng sa e mong le e mong. U tseba e mong le e mong oa bona, le seo ba se hlokang.

²⁵ 'Me re ke ke ra lebala bao, Morena, ba ntseng ba hlaphoheloa, bosiusing bona, ba leng koana malapeng a maqheku le ba tetemang. Oho Morena Molimo, bongata ba bona ke bana ba Hau ba hlatsoitsoeng ka Mali. Oh, ha re ntse re tsofala, 'me baratuoa ba rona ba lebetse, matšeliso a le mang a teng: Molimo ha o lebale le ka mohla. Liketso tsa rona tsohle li ngotsoe Bukeng ea Bophelo, 'me li ka pel'a Sefahleho sa Hae kamehla. 'Me re a ba rapella, bosiusing bona, Morena.

²⁶ Re kopela sechaba sa habo rona mohau. Le bakeng sa bao ba etsang sebe 'me ba etsa bobe, le bakeng sa ba ditameneng le—le maemong a fapaneng a sebe, bosiusing bona, re kopa mohau o tšoarelang, Morena. 'Me re rapela hore U tle u re baballe hakana, Morena, hore lipelo tsa rona li tle li tlale lerato hakaale ho Uena, e tle e be takatso ea rona e kholo ho U sebeletsa le ho bona bao ba pholosoa.

²⁷ Hlohonolofatsa palo ea Lentsoe, le sohle seo re se etsang. Ka boikokobetso re tla inamisa lihlooho tsa rona le ho U leboha, hoba re e kopa ka Lebitso la Jesu. Amen.

²⁸ Joale phetlang Bukeng ea Santa Johanne, khaolong ea 13, re tla bala karolo.

*Joale pele ho mokete oa paseka, ha Jesu a tseba hobane
hora ea hae e tlide ea ho tloha teng lefatšeng ho ea ho*

Ntate, erekaha a ratile ba hae ba lefatšeng, a ba rata ho isa qetellong.

Eitse ha selallo se fela, liabolose o se a kentse pelong ea Judase Iskariota, mora Simone, hore a mo eke;

Jesu a tseba hobane Ntate o neetse tsohle matsohong a hae, le hobane o ne a etsoa ho Molimo, 'me a ea ho Molimo;

A tsoha selallong teng, a hlobola liaparo tsa hae; a nka lesela, a itlama.

Ka mor'a moo a tšela metsi ka mokekeng, 'me a qala ho hlatsoa maoto a barutuoa, a a hlakola ka lesela leo a itlamileng ka lona.

Eaba o tla ho Simone Petrose: 'me Petrose a re ho eena, Morena, na u ka ntlhatsoa maoto?

Jesu a araba, a re ho eena, Seo ke se etsang joale ha o se tsebe . . . empa o tla tseba hamorao.

²⁹ Morena a ke a ekeletse mahlohonolo a Hae palong ea Hae, ea Lentsoe. Ke batla ho nka e—e temana, bosiung bona, nakoana feela, sehlooho sa: *Litšoantšo Tsa Kreste*. 'Me kea batla, bakeng sa sehlooho, "Ebe hona e ka ba eng? Ho hlokoaa eng ho etsa Mokreste?"

³⁰ Joale, ke a tseba sena, ka botlalo, ha se temana ea boevangeli, ho hang. 'Me, koana, ke temana ea boevangeli, hoba Kereke e ke ke ea hatela pele hofihlela E tseba hore E hatelapele holima litša life.

³¹ 'Me ke lumela hore pele motho a ka nka khato kapa ho ba le tumelo ea 'nete ea lekunutu, eona, pele, ba tlameha ho tseba moo ba emeng, le mokhoa oa ho ema ha ba qeta ho ema. Ke lumela hore seo se bohlokoaa. Hoba, u ke ke oa itahlela nthong efe ka phatla, ka tumelo, u sa tsebe moo u itahlelang teng. U tlameha ho tseba. 'Me ha tumelo ea rona e beiloe hantle, le maemong a nepahetseng, e hlahisa khotsafalo e sa khaotseng.

³² Ho joaloka ha ho boletsoe ka mosali ha thoe, mohlomong, ha a nyetsoe, hore labalabela hakana—hakana ho sikara lesea la hae la pele, hoo a batlang a sa tsebe . . . ho ema. Empa eena, litebello tsa hae li kaalo. Empa, ka motšeо mono, tšabo e teng, hore haeba e sa hlake kapele, hore a ke ke a fumana lesea lena. Hoo ho mo leleka hole, ka nako tsohle.

³³ Joale, pheko e eng eo ba e hlakisang matsatsing ana, 'me e sebelitse mengoaheng eohle, haeba mosali eo a bona kapa a lumela hore a ke ke a tsoala lesea lena. Ha a ka tsoa feela 'me a adopta lesea, joale, ntho ea pele u a tseba, o tla fumana la hae. Joale, hoo ho pakiloe e le 'nete, makhetlo a robong ho a leshome. Hobane pitlahano eo ea ho toutes, "Oh, mohlomong nke ke ka le fumana." Empa mono hlo hlokoaa khotsafalonyana eo mono, 'me mohlomong ke mokhoa oa Molimo ho mo kenya maemong. Joale

o tla fumana lesea la hae, hobane tšabo eo le litebello qetellong li tla mo tlohela.

³⁴ Ho joalo le ka batho ba batlang ho folisoa, bona, haeba ba ka fumana bopakinyana bo le bong bo bonahalang.

³⁵ Joaloka Elia, mohla a boletseng . . . Gehasi a re, “Ke bona lerus le kaa ka letsoho la motho.”

³⁶ Elia o re, “Ke utloa molumo oa pula e ngata.” O bone bopaki.

³⁷ Ke ka hona, hangata, ke bolellang batho, “Tsoela pele, qala u rorise Morena.” Le a bona? Hobane, eo leo ke lesea le adoptuoeng, hoba e larile hlalefong ea bona hofihlela e kena souleng tsa bona, hore ba folile, ebe moo tumelo e e lokisang.

³⁸ U tlameha ho tseba seo u se etsang. U tlameha ho ba le tšepo ho seo u se etsang.

³⁹ Ka hona, hangata, re utloa polelo ena, “Oh, Mokreste ke’ng?”

⁴⁰ Batho ba bang ba e beela moeli oa ho kena kereke. E mong o itse, “Be, Mokreste ke e—e setho sa kereke, motho ea ikamanyang le kereke.” Ke lumela hore Bakreste bohole ba lokela ho etsa seo, empa ha ke lumele hoo e le Bokreste. Le a bona? Ke seo Mokreste a se etsang hoba ebe Mokreste. Empa ha e bolele, hono, kahobane a e etsa, hore ke Mokreste.

⁴¹ Joale ba bang ba re, “Che. Ke ho ea kerekeng le ho sebeletsa litumeloana tse phatlalalitsoeng, le ho tšepahala linthong tseo kereke e li rutang.”

⁴² ‘Me ba bang ba re, ho thoe, “Mohlomong ho khoesa nthoana—nthoana holim’ a bona, e—e sefapanonyana kapa ho hong, eo ke pontšo ea Mokreste.”

⁴³ Joale, ba bang ba lumela ho re, “Koana, mohlomong, haeba ba ka hotetsa kandelare, kapa ho itlhonamela ka pako ea mofuta, hore eo ke Mokreste. Haeba ba ka quoelisoa feela metsing, kapa ba etsa sehlabelo, kapa ba etsetsa kereke molemo, kapa—kapa ho thusa moahelani, ho rekela mohlolohali mashala, kapa ho rekela khutsana lieta.” Ke liketso tseo Mokreste a lokelang ho li etsa, empa seo se sa ntse se sa ba etse Mokreste.

⁴⁴ Hape ba bang ba re, “Haeba u jere setšoantšo sa Kreste ka koloing ea hau, kapa leboteng la hau, hore seo ke sesupo sa Mokreste.” Be, lintho tseo li itoketse, empa ha ke lumele hore ho jara setšoantšo ho u etsa Mokreste.

⁴⁵ Ke lumela e le ho fetoha setšoantšo sa Kreste ho u etsang Mokreste. Ha se seo re se etsang, kantle. Ke se etsahetseng, kahare, se re etsang seo re leng sona. Ka hona, ka baka leo, haeba Eena e le setšoantšo sa rōna, ‘me re le setšoanong sa Hae le litho tsa ’Mele oa Hae, re lokela ho ba litšoantšo tse kang Eena. Joale maphelo a rona a lokela ho halimisa setšoantšo sa Kreste, eseng ka ho ikopanya le kereke, kapa ho khoesa sefapano, kapa

maikutlo a rona, empa eka khona e be ka pel'a Sefahleho se phelang sa Molimo o phelang se halimisoang ka bophelo ba rona.

⁴⁶ Ke boleetsoe, ke balaoli, hore... pele ho mehla ea moqhibilisi, ho ntša e—e manya a gauta, ho nka tšepe le paeraete. Paeraete e atametse haholo, ekare gauta ea sebele, ho fihlela e bitsoa "gauta ea sethoto." Empa mokhoa oo ba hlotileng hoo hohle, ba li batotse ka noto. Maindia a ne a tloaetse ho etsa joalo. 'Me batei ba khale ba gauta ba ne ba tloaetse ho e etsa, ho e batola ka noto, le ho e phethola hape le hape, le ho batola ho fihlela manya kaofela a tsoile ho eona. 'Me tsela e le 'ngoe feela eo ba tsebileng hore e ne e le e theohetse ho gauta, e ne e le ha mobatoli a bona khalimiso ea hae ka ho eona. Ea neng a batola o ne a ka sheba kamehla, ho fihlela a ka ikuta, ka khalimiso ea hae kahara gauta eo a neng a e batola.

⁴⁷ 'Me ha Moea o Halalelang oa Molimo o qala o re batola, ka noto ea Evangel, ho fihlela lintho tsohle tsa lefatše li batotsoe li tsoile, 'me re ka halimisa setšoantšo sa Morena Molimo, ke mohla ke lumelang hore re fetoha Bakreste. Hobane, lentsoe *Mokreste* le bolela "Joaloka Kreste, le ho Mo halimisa."

⁴⁸ Joale hoo ha ho bolele re lokela ho hōlisa litelu tse telele, joalokaha litaki tsa litšoantšo li Mo bontša. Hape ha ho bolele hore re holisa moriri oa rona, kamoo bataki ba litšoantšo ba Mo takang, kapa ho apara kobo e kang eo A neng a e apere, hoba re phela tsatsing le leng. Ha re hloke hakaalo ho ba seo, ho halimisa setšoantšo sa Hae sa tlhaho.

⁴⁹ Empa rea tlameha, souleng tsa rona, re halimise setšoantšo sa Moea oa Hae le mokhoa oa Hae oa bophelo. Ha ke lumele Bakreste ba boptjoa ke ho ingolisa le likereke kapa litumeloana. Ke lumela e le khalimiso ea Jesu Kreste ka hara motho, hoba re litho tsa Hae, litho tsa 'Mele oa Hae, 'me re nkile setšoantšo sa Hae, Lengolo le bolela joalo.

⁵⁰ Joale, E ne e le setšoantšo sa mofuta ofe? Ha A tlela ho ba motho ea itseng e moholo; koana, E ne e le eena. Empa O tlie joaloka mosebeletsi. Ha A tlela ho sebeletsoa, empa ho sebeletsa. Temana ea rona, bosiung bona, e halimisa seo A neng a le sona. Ke eona ntho e Mo etsang boholo, kakanyong ea ka. Leha koana, e ne e le oona Molimo oa Bosafeleng, oona Molimo O hlolileng maholimo le lefatše; 'me ha O fihla mona, Oa nka maemo a tlase, mosebetsi o sa lakatseheng ka ho fetisisa oo mang a neng a ka o fumana, e ne e le mohlatsoa-maoto.

⁵¹ Har'a meputso eohle, ea litšiu tsa pele, lefatšeng la Bochabela, mohlatsoi oa maoto e ne e le monna ea lefshoang tlaase ho feta bohole. Hoba, mehleng eo liphoofolo li ne li tsamaea mebilakholong, tseo, litselanyana tseo li neng li feta ho tsona. 'Me tseleng, e a nkha, hohle tseleng, moo liphoofolo li fetileng teng. 'Me lerole le pheulela holimo le manama meomong le maotong a bona. 'Me ke lephoka le tšabehang haholo, le kang

leo! 'Me hang ha motho a etela e mong, a ke ke a kena ka mokhoa oo. O ne a le letsuka, ka baka la monko oa tsela, le lerôle, joaloka e—e haufi le setala se phelang.

⁵² Ka hona, ntho ea pele eo a entseng, o hlomile motlotloana, motlotloana oa kamohelo, le monna ea lefshoang tlaase-tlaase tulong eo, joaloka lekhoba le itseng, le lulang ka mono, ho hlatsoa maoto a moeti enoa ea tla fihla, le ho mo nehela para e 'ngoe ea lieta ho e roala, meqathatsonyana, ho mo roesa eona. 'Me a ntano tlotsoa, 'me, le hona, ka oli. 'Me a ka kena ke hona ebe moeti ho motoalle oa hae. Hoba, o ne a tla ikutloa a sa amoheloa, ha a kena, a apere letsuka la e—e litsela, le mofufutso, joalo-joalo. 'Me mohlatsoa-maoto o ne a lefshoa ka tlaase ho feta motho ofe ea neng a le teng.

⁵³ 'Me Molimo oa Lehолимо, oa Икокобетса, ho ba . . . E moholo ka ho fetisisa a fetoha ea tlaase ka ho fetisisa.

⁵⁴ Ke phapang e kakang, ea ntho eo ho thoeng, e halimisa Mokreste kajeno! Ke phapang e kaakang! Khele, eo ho thoeng ke Mokreste kajeno o batla ho sebeletsoa. Oh, o qala a nahana hore ke motho ea itseng.

⁵⁵ Phapano e kakang, le ea mehleng eo, mohla A neng a Mo halimisa. Ha A ka a tlela ho sebeletsoa. Empa Eena ea eba . . . O tlie ho sebeletsa. "E moholo har'a lona e be mosebeletsi oa bona bohle."

⁵⁶ 'Me re bone, kajeno, temalo ea rona ea seojaale ea Bokreste, "Ke motho ea itseng, 'me uena ha u letho." Oh, ke e . . . E phoso. Ha e a lokela joalo. Re leka ho halimisa Bokreste ka phoso. Molimo ha o batle ha re e sebetsa joalo. Eena . . . Re binne sefela, *Ho Tšoana Le Jesu*, empa ha ho fihloa ho kokobetsa boikhohomoso ba rona, le ho theohela fatše joaloka ha A entse, re seja qholo.

⁵⁷ 'Me ka ho etsa joalo, motho o theile mekhatloana, hore ba khone ho ikarola, "ka hobane ba se na Moea," joalokaha Lengolo le boletse. Ba ikarola. "Re setho sa kereke e *itseng-e- itseng*. Ke e—e ke kereke e kholoanyane. Ke kereke e hatetseng pele. Mokhatlo oa rona ke mokhatlo o moholohali." Seo ha se etsise Jesu. Seo ha se halimise lerato la Hae le botho ba Hae.

⁵⁸ O tlie ho ea tlase-tlase, ho seotsoa sa seterateng, ho mokopi, ho lefupatsela, le ho theohela hantle leroleng le bona. Boo ke bophelo ba Bokreste. E loketse joalo, ho Mo halimisa ka mokhoa oo.

⁵⁹ Oh, kea tseba batho ba re, "Eo ke—eo ke ntho ea matsatsi a fetileng." Ha se eona.

⁶⁰ Ekare ha Kreste e sa le Kreste, ha Moea oa Hae e sa le Moea o Halalelang o neng o le ka ho Eena, o le ka ho lona, O tla le nkisa maemo ao, le lona.

⁶¹ Empa, kajeno, re leka ho nahana hore re fapano. E hole hakakang le thapelo ea Hae, mohla A neng a rapela, ho re, “Batho bohole ba tla tseba ka hona hore le ne le le barutuo ba Hae, ha re ratana.”

⁶² ’Me sebakeng sa seo, rea qabana. Re a nyelisana, hobane ha re lumellane holima lintho tse itseng. ’Me re a tsoa ’me—le ho qosana, le a bona, kae... ’me koana le ho ipolela hore ke Bakreste. Ke tseba batho ba ipolelang ba tlatsitsoe ka Moea o Halalelang, ba molato oa lintho tse joalo, ho tsoa le—le ho bua lintho tse mpe ka Bakreste ba bang. Athe, ha ba a lokela ho etsa lintho tseo. Joale, moena, khaitseli, ha re ena le moea oa mofuta oo, re ka mpa ra kenya likelellong tsa rōna hore ha re e-s’o be Bakreste. Ho sa tsotellehe hore na re ipolela hakae, ke seo re ruileng se baloang. Le a bona? Re ke ke ra ba Bakreste ’me re sa rate batho bohole. Re ka fapano le batho.

⁶³ Empa, Jesu ha a ka a kenya a re, “Be, joale, lona Bafarisi bohole, le ea liheleng bohole. ’Me ha u na monyetla hohang, ka baka la *sena, sane*, kapa se *seng*, hobane u Mofarisi.” Empa A ea ho bona, ’me A ba sebeletsa, ’me A ba thusa. O entse sohle seo A neng A ka se khona, ho ba thusa.

⁶⁴ Empa, kajeno, lithuto, le botho ba kereke, le maqhama a lefatše li kopantse kereke ka tsela e tjena ho fihlela bohlale bo tlatsitse malulo a semoea.

⁶⁵ U ke ke ke oa fihla ho Molimo haese ka Moea. Tsela e ’ngoe feela eo motho a ka tlang ho Molimo ka eona, ’me ke ka Moea o Halalelang. Jesu o itse, “Ha ho ea ka tlang ho ’Na, a sa huloe ke Ntate, pele.” Ke ’nene e kaalo feela kamoo e ka khonang, Mokreste.

⁶⁶ Re batla ho nka bukana ea dinoutshu, bosiung bona, pelong tsa rona, le ho bala lintho tsena joale. A re nahanten sena.

⁶⁷ Oh, ba bang ba rona ba itlaleha ba ruile tsebo eohle. Re fumana ba reng, “Joale emang!” Ba rata ho ba “lingaka” le “bontate ba halalelang,” le joalo-joalo. Empa ho tseba sena sohle, leha u ka rua tsebo eohle, e ne e sa tlo u thusa letho haese ha u (ne) u ruile Moea ka ho uena, oa lerato. Bibele e boletse, “Leha nka rua tsebo eohle, ’me ke se na lerato, ha ke letho.”

⁶⁸ ’Me tsebo ea rona e molemo ofe, ha motho a re, “Nke ke ka ea tsoseletsong ea mofuta oo, hobane bao hase batho ba rutehileng. Ke—ke nke ke ka imatahanya le bona”?

⁶⁹ Ho sa tsotellehe le haeba ba sa tsebe di-ABC tsa bona, kapa che, ba ka tseba Kreste. Ehlide le ka mohla e ke ke ea theohela tlase haholo. Molimo o baballe Moea oo ka ho ’na kamehla. Ho sa tsotellehe hakae—tlase hakae, seo a se lumelang, seo a sa se khoneng, ke tumeloana efe, ’mala, kapa eng, ke batla ho ntša letsoho ho mo thusa. Ehlide. Ke batla Moea oo ka ho ’na. Nke ke ka ikhopola ke le betere ho feta motho e mong; nka pepa peta, ka re, “Batho bohole ba eme ha ke kena,” kapa, “ke tšoere letšolo

le leholo ho feta 'ohle." 'Na ke mang, le hona, haese letsopa leo Molimo o le entseng? Ke mpe ke ikokobetse, hore bophelo ba Hae bo tle bo halimisoe. Rona, Bakreste bohole, re ikutloa joalo. Tsebo ha e re fihlise kae kapa kae.

⁷⁰ Ho tea mohlala, ho ka thoe'ng haeba hokonyana e tletse likanari, 'me hokoana e lekana le tabernakele ee? 'Me nonyana e 'ngoe ea kanari e fofele holim'a hokonyana, 'me e re, "Likhabane, ke batla ho le bolella bohole taba. Ke batla ke le phahametse bohole hanyenyane. Lea bona, ke—ke kanari e batlang e tseba tsohle ka bana ba batho. Oh, nka e hhalosa eohle. Ke bone mofumahali a tsamaea ka tlung. Ke bone bana ba bapala. Ke tseba tsohle ka eona. Joale le nkutloe kaofela."

⁷¹ 'Me nakong eo a ntseng a khoaolla bokoana ba hae, monna oa kholeshe ea Princeton University o a nyoloha, ka thutopuo ea hae e koetlehileng. 'Me o qala a qoqa le nonyana eo e nyenyane eo ea k'hanari, a sebelisa thutapuo e phahameng ka ho fetisisa eo a ka e khonang, le ho bua le nonyana ena e myenyane ea kanari. Ke nahana hore thakanyana leo le ne le ka reteletsa hlooho ea lona lehlakoreng. O ne a ka mamela ho tloha lehlakoreng le leng ho ea ho le leng, empa ha a tsebe letho leo a buang ka lona. Leha ho le joalo, e ka mo mo utloa. Leha ho le joalo, e ka mo bona. Empa tsebo ea hae e fellal kae? Ha ho letho. Hobane, ha e tsebe seo monna eo a buang ka sona. Hobaneng? O na le boko ba kanari. Ha a na kelello ea motho. O utloisia feela joaloka ha likanari li utloisia.

⁷² 'Me le ngoana motho o joalo. Ha ke tsotelle hore na u hlalefo hakae. Re sa ntse re e-na le boko ba kanari, hobane re batho feela. Molimo o tsebjoa ka Moea, le ka tšenolo ka Moea o Halalelang. Ha ho mohla re tla khona ho Mo utloisia ka mahlalefi. U ka 'na oa bua, 'me oa kena 'me oa tšoara likopano tsa hlalefo, le saekholoji kamoo u batlang, 'me batho ba ke ke ba tseba Molimo le ka mohla. Ba ke ke ba khona.

⁷³ U ka hhalosa 'me ua re batho ba llang le ba sokollang lerama le leng ke ba sekhale, empa eo ke monna ea halimisang Kreste bophelong ba hae. Monna ea ikokobelitseng, ea tla tsamaea le Molimo, ea tla itšoara joaloka Jesu.

⁷⁴ Empa, le a bona, nonyana eo e ne e sa utloisia, leha koana e nahanne hore e ka khona. Hobane, ha a etsoa joalo. Bohlale ba eona bo ke ke ba bapisoa le kelello ea moithuti enoa ea bohlale.

⁷⁵ 'Me le hlalefo ea rona e ke ke ea tšoana le Molimo. Kelellonyana ea rōna, e sa fellang e ka bapisoang joang le kelello e fellang; kapa kelello ea rona e lekanyelitoeng e ka bapisoa joang le kelello e sa felleng ea Molimo? Kelello eo e sa feleng ea Molimo e ka nqane ho hlalefo ea batho ho fihlela e ke ke ea ba teng le ka mohla.

⁷⁶ Tsela feela eo nonyana eo e tla tseba hore na monna o bua ka eng, ke ka ho inehela le ho e amohela, le ho etsa sefe seo e nahanang hore monna eo o batla hore e se etse.

⁷⁷ Ke eona feela tsela eo re tsebang Molimo ka eona, ke ho latela boetapele ba Moea o Halalelang. Eo ke ntho ea sekhale. Ke lenaneo la Molimo. Haesale e le lenaneo la Molimo. E tla lula e le lenaneo la Molimo. “Hase ka matla, ha se ka cheseho, empa ka Moea oa Ka, ho bolela Morena.” E fihla hona moo.

⁷⁸ Longfellow o kile a bua sena, “Mokhoa oa katleho ke ho fumana lebaka le ts’oaneleheng leo ho buuoang ka lona, lebaka le loketseng leo ho buuoang ka lona, le ho le tiisetse.” Ehlide. Ntho eo ho buuoang ka eona, e hanetsoeng ke—ke mahlale, ’me, haeba e tšoaneleha, e tiisetse.

⁷⁹ Na le a tseba, ka 1872, Mokhatlo oa Bongaka oa United States o ile oa haneli libate tsa ho tola? Ba itse, “Li banana le bohloeki ka ho felletseng.” Le ho re, “Li tla jala mafu.” Libate tsa ho tola; qetellong ba e fihlela.

⁸⁰ ’Me Evangel ena ea mehleng ea khale eo re buang ka eona, ho hlatsua Maling a Konyana! E ka bonahala e le ntho ea sekhale, empa ba tla lokela ho fihla ho Eona, kapele kapa hamorao. Ke morero o tšoaneleheng. E tiisetse, ka sohle seo u nang le sona. Ke tsela e hlatsoitsoeng ka Mali e hloekisang motho; ho se tsoele kantle mona, ho noa le ho tsuba, le ho likoloha le ho ipitsa “Mokreste” kahobane e le litho tsa kereke. Ke Moea o Halalelang oo o sa tsoakoang bophelong ba motho, o halimisang Jesu Kreste Mora oa Molimo.

⁸¹ Lebaka leo batho kajeno ba hanang Tsoalo e ncha. Oh, ba na le seo ba se bitsang Tsoalo e ncha, mokhoa oa ho tsukutla matsoho le molisa, empa eo ha se Tsoalo. Lebaka leo ba . . . Ba ke keng ba E amohela. Ke ka lebaka leo ba tlolahng ho ea ingolisa likerekeng, hoba ba ka kena ka tsela e itseng ea hlalefo.

⁸² Molimo o itse, “Ekareha motho a sa tsoaloe labobeli, a ke ke a bona ’Muso oa Molimo.” Ho sa tsotolehe u ka ba bohlale hakakang, kapa u ka ipolela u le Mokreste hakakang, u tlameha ho tsoaloa labobeli.

⁸³ U re, “Ebe, Moena Branham, ke tla lokela ho tla mishoneng o itseng o monyenyane?” Ha e bolele seo. E bolela hore u tlameha ho amohela Tsoalo e ncha. U tlameha ho tsoaloa labobeli.

⁸⁴ Lena ke letšoelle le tsoakaneng, empa ke tlil’o bua taba. Tsoalo ke’ng? Ha tsoalo e etsahalla holim’ a moalo oa joang, kapa e etsahala fatše, kapa sepetlele sa liphaposi li khabisitsoe ka silika e pinki, e bohlasoa, ka tsela efe eo u e nkang. Ke hantle.

⁸⁵ ’Me le Tsoalo e ncha e joalo. E a nyonyeha, ka mokhoa ofe u E nkang, empa E hlahisa Bophelo. Amen. E hlahisa Bophelo. Bophelo ba mofuta ofe? Bophelo ba mosebeletsi, ho ikokobetsa, ho itatola. Ke Bophelo ba mofuta oo. Oh, ba re, “Empa ke ba

bone ba lla 'me ba bohola ba teetse aletare ba tsoela pele." Ehlide. Ba ntse ba tsoaloa. E a nyonyeha, ha ke tsotelle moo u eang teng. U ka tsoha, sefahleho sa hau se tletse meokho, le mahlo a hau a tlerefetse, le matsoho a hau a le mataala ke ho tulaka aletare, empa ke Tsoalo. E etsa ho hong ho uena. E u etsa mosebeletsi. E u ntša seteisele. E bopa setšoantšo, ho bopella Bophelo bo bocha, popo e ncha. U ka hlekemana, ha u tsoha, empa u tsoetsoe labobeli. Ho sa tsotelehe moo u leng teng, e hlahisa Bophelo bo bocha. E tlisa Bophelo bo bocha, setšoantšo. E u etsa mosebeletsi. U batla ho sebeletsa, lekhatheng leo. Jesu o batla hore re sebeletsane, lerato—ho ratana. 'Me ha re sebeletsana, re a Mo sebeletsa.

⁸⁶ Joale, hopolang, bakuli ke bona feela ba batlang ho tsotelloa, tšebeletso. Ke ba kulang feela, ba batlang ho tsotelloa. 'Me ha u bona moreri... 'Me ke se ke ka e lekanyetsa moreri feela, empa nka e lekanyetsa ho setho se seng le se seng sa kereke se batlang ho tsotelloa, "Na ke motho ea itseng," le hopole feela, eo ke motho ea kulang moeeng. Ba hloka ho tsotelloa. Ba hloka tsotello ea Moea oa Molimo, ho ba fa ntho e tla ba honya boitšoaro boo, le ho ba folisa boikakasong ba bona le mehopolong e meholo, le "na ke moholo athe uena u monyenyan." Moea o Halalelang o etsa hore bohle re tšoane.

⁸⁷ Maloetse a moea a mangata haholo, khaello ea mali! Na le tseba seo anemia e leng sona? Ke motho ea se nang mali. Ba tsamaea ka mokhoa o qabolang. Baa hlanama, ba hlabo hlohloingoane, ka linako tsohle. 'Me ke bona bothata ka litho tsa rona tse ngata tsa likereke kajeno. Ba haelloa ke mali. Ba hloka ho pompeloa Mali, a Kalvari, e tlang ho ba otla ka Mali a enneng, a bokhos, ho ba tsamaisa se sa mehla ea khale, tsela ea Molimo e betiloeng ke Moea o Halalelang. Hoo ho tla ba otla ka ntho eo ba ka e phelelang, ho ba fa kholiseho e tla etsa hore ba tsamaee ka setšoantšo sa Morena oa bona.

⁸⁸ Bakeng sa ka, haeba ke ne ke e-na le khetho eo ke lokelang ho e etsa, ke batla ho tšoana le Eena. O tlide ho ba molisa, 'me E ne e le molisa. Molisa ke ea salang linku tsa hae morao.

⁸⁹ Setšoantšo se tummeng, ha ke hopole re se leketlisitse leboteng la rona mona, empa ke se behile phaposing ea 'me ka se sheba. Ha ke hopole lebitso la lebitso la setaki nakong ena. Empa eitseha a lahleheloa ke nkunyana, e ntšo, a siea tse mashorobong-robong 'me a ea e batla, o etsang? O hlahlathele lefeelleng. O itlhabisa ka litšehlo. O hulana ka har'a likotsi. Ho khasa bosiu bohle. Ho fihlela, qetellong, tlase lephakong la thaba, a leketlile ka sehlahlana, a beha bophelo ba hae kotsing, o a fihla o utla thakanyana leo maemong a lona a putlameng, a ntoo le khutlisetsa ho eena.

⁹⁰ 'Me motaki e mong o ile a taka setšoantšo sa hae a e khutlisetsa hae. Joale, ho bonahetse molisa a tla potisa letsoho

la hae tlasa nku feela, le ho qala a tla le eona *joalo*. Empa na le hlokometse kamoo moea o ileng oa qhautsa borashe ba setaki? Ha aa ka a e sunya tlas'a letsoho la hae. A e beha mahetleng a hae. Joale ke batla hore le bone tsotello ea molisa enoa.

⁹¹ Joale, Jesu, mohla A neng a leleka mademona, O itse O e entse ka monoana oa Molimo. Joale, ha liabolosi a u tšoenya, ho hlokoan ntho e 'ngoe feela, ho Molimo, ha a—ha a feela—ha a bohlokaoa hakaalo O nka monoana oa Hae feela o a mo leleka.

Empa ha nku e fihla hae . . .

⁹² Karolo e matla ka ho fetisisa ea monna e hokae? Bophareng ba mahetla a hae. Na le hlokomela monna, kamehla, mahetla a hae a sephara ka ho fetisisa? A ka jara moroalo oa hae o moholo kae? Boahlamong ba mahetla a hae. Ke hokae moo a kholisehileng ka ho fetisisa? Ha moroalo o le boahlamong ba mahetla a hae.

⁹³ Kahoo o nka nku, o e beha mahetleng a hae, 'me o khutla le eona ka mosa. Matla ohle a Molimo, a phuthetsoe kahara thakanyana leo, le lahlehileng, a mo khutlisa. Empa liabolosi, ha bonolo feela, O le leleka feela, ka monoana oa Hae. Ke molisa.

⁹⁴ Molisa o tlameha ho hlahlathela, ho fumana e ntho e hlahlathelang. 'Me molebeli ea lokileng ke molisa. Ha e le hantle, e—e lentsoe *molisa* le bolela "moalosi." 'Me ka nako tse ling, ka kerekeng, e—e lemuloana kapa sehlotsaana se tla hlaha ka kerekeng; lehlakore le leng le tla leba nqa e 'ngoe, 'me lehlakore le leng le ee nqa e 'ngoe. Molisa oa sebele, ea lokileng o tla inehanya le lemuloana le, (Ho etsa'ng?) ho ba khutlisa. Molisa oa sebele, oa 'nete, o etsa'ng? O tla lelera, ka boeena, (Ho etsa'ng?) ho khutlisa ba lahlehileng. O etsa'ng? O halimisa setšoantšo sa Molisa ea molemo, ho leka ho hapa moea oo ho o khutlisa. Koana, ba khelohile sebakeng se itseng, moena, ekare ba tla qhaqha lefatše, ka bosiu bo le bong. Molisa eo o tla inehanya hantle, ho ba lokisa, ho ba khutlisetsa tseleng ena hape. Eo ke molisa ea molemo. O halimisa setšoantšo sa Jesu.

⁹⁵ Moena, kea tseba e bitsoa bokhelohi. E bitsoa ho fetelletsa lintho. Empa hola nka etsa khetho, bosiung bona, khetho ea ka e ka ba ho tšoana le Eena. Ke batla, haeba ntho e le teng bophelong ba ka, ho halimisa setšoantšo sa Morena Jesu, bophelo ba ka.

⁹⁶ Kea tloha, kamora hosane bosiu, kamora lenyalo lena, ke ea lefeelleng. Ke ikemisetsa ho lula mono, hoba, tlase botebong ba moea oa ka, ke ikutloa ke hloka ho tsamaea haufi le Molimo, ho feta kamoo ke leng kateng. Ha ke batle ho tsamaea feela. Ke leka ho tsamaea hantle, pela Hae, empa ke—ke batla ho tsamaea haufi le Eena. Ere Branham Tabernakele e sa tšoere tsoseletso, ke batla e 'ngoe, ka bona. Ha ke batle ha e etsahala ka mohahong feela. Ke batla e etsahale ka ho 'na. Ke batla ho tsamaea haufi. Ke batla Moea o Halalelang ho feta ka ho 'na, ho halimisa Kreste ka ho 'na. Ke batla ho tšoana le Eena. Ke a tseba hore Mokreste

ka mong oa 'nete—oa 'nete o batla ho tšoana le Eena. Ke takatso ea pelo ea ka, ho tšoana le Jesu. Eena . . . Khele, ke batla hore E be oa ka . . . Ke batla hore E be e . . . Ke mohlala oa seo ke batlang ho ba sona.

⁹⁷ 'Me, bonang, ho tla qosa Moea o Halalelang ho phetshisa seo. Ke eona feela ntho e ka e phethisang. Ha ke thahaselle liseminare le seo motho e mong a tlamehang ho mpolella sona. Ha ke tsotelle ho aka sefapano, kapa ho li hulela pelong ea hau, kapa ho rapella bafu. Ke thahasella ntho e le 'ngoe, eona ke ho re, Moea o Halalelang o mongata o hape William Branham. Ha ke thahaselle ho ingolisa le kereke e kholoanyane ho feta ea ka. Ke setho sa Kereke ea makhonthe ea Molimo o phelang, Letsibolo. Ke tsoaletsoe ka ho Eona. 'Me ke batla Moea o Halalelang ho feta bophelong ba ka, ho halimisa Kreste Eo ke mo ratang. Ha ke tsotelle sefofane kapa maemo ao ke tlamehng ho a hloella, ho e fumana. Ha ke tsotelle haeba ke tlameha ho ea *mona* kapa ho ea *mono*, ho bitsoa "mocheseheli, mohalaleli-mothethehi," e ka bang eng. Ke batla Bophelo ba Hae bo halimisoe ho feta. Ha ke thahaselle sefofane seo ke lokelang ho se hloella. Ke thahasella Moea o Halalelang, ke tle ke be mosebeletsi ea kang Eena ho feta. E ne e le Mohlanka oa Morena. A sa tlela ho sebeletsoa le ka mohla, kapa ho sebeletsa, ha A tlela ho sebeletsoa le ka mohla. Empa, ho sebeletsa, O ile a nka sebaka sa mosebeltsi.

⁹⁸ 'Me efela ha Khosi ea Leholimo e ne e ka etsa hoo, 'me rona re le litho tsa 'Mele oa Hae, bohle re mpe re be joalo; re se be ba fapaneng, empa re ikokobetse ka pel'a Sefahleho sa Hae. Ho sa tsotelehe seo lefatše le se buang, kapa batho ba hlalefileng, se nahane letho ka seo. Amohela feela Moea o Halalelang o fetisang, 'me o be joaloka Jesu. Boikokobetso, bonolo, boithobo, nka sebaka sa Hae, 'me O tla nka sa hau Kahlolong.

Ha re inamiseng lihloho tsa rona motsotsso feela.

⁹⁹ Na nka bona, bosius bona, sehlopha sa matsoho ka mohahong ona, sa maloko a kereke ena le likereke tse ling? Ha ke re, "kereke ena," ke mpa ke bolela . . . Ho na le Kereke e le 'ngoe feela, eo ke Kereke ea ea Tsoetsoeng bocha, Kereke ea Letsibolo, Kereke ea Jesu Kreste, e sa tsoaloang ke lefatše, empa e tsoetsoeng ke Moea oa Molimo. Na nka bona ho nyoloha sehlopha sa matsoho, le ho re, "Molimo, nketse joaloka Jesu. Mpope, Morena. Ntlhatsoe, oho Molimo"? Molimo a hlohonolofatse lipelo tsa lona. "Ntlhatsoe, 'me ke tla fetisa lehloa ka bosoeu."

¹⁰⁰ "Morena, ke na le methinya le likhutlo bophelong ba ka. Esale ke lutse, ke mametse Moena Parnell, le Moena—Moena Neville le bareri ba bang ba khabane, le Moena Collins le baena bongata ba ba rerang. Esale ke mametse. Empa, Morena, bosius bona, ke fihlile liqetong tsena: Ebe ba ntse ba mphetisetsa'ng? Ba ntse ba leka ho nketsetsa'ng? Kea bona ba leka ho nketsa ea tšoanang le Jesu. 'Me ha ho mokhoa ho 'na ho e phethisa.

Ke—ke lengau. Ke mebala, 'me, ha nka e nyeka, ke e soeufatsa le ho feta. A hlakela lefatše le ho feta. Morena, nke ke lahleheloe ke 'na. Ha ke tsotelle hore e shebahala e hlekemane hakae, lefatšeng. Ke batla ho tsoaloa labobel, ke Moea oa Molimo. 'Me ke batla hore Uena, Morena, u ntlatse, bosiung bona, ka Moea oa Hau o Halalelang. Ntlhatsoe. Nkhalaletse. Nka Mali a Jesu, ho nkhalalaetsa, le ho ntlhoevisa. Le ho ntlatsa, ho fihlela ke lahleheloa ke bonna, le ho bo fumana, Morena, ka ho Uena."

¹⁰¹ Oho Morena Molimo, Mohloli oa maholimo le lefatše, Ea tsositseng Morena Jesu bafung, ho Mo tlisa ka Moea o phelisang oa Molimo oa Bosafeleng, ho nyolla 'mele oo U ileng oa aha ho oona, 'me o phahamiselitsoe Teroneng ea Leholimo.

¹⁰² O tlie ho ea tlase-tlase ea neng a le lefatšeng, seotsoa, le ho fetoha mosebeletsi ea tlase ka ho fetisisa, o ile motseng o tlaase-tlaase, ho sebetsana le batho ba tlaase-tlaase, a fuoa lebitso le tlaase-tlaase, 'me a fetoha mofutsana ea fetisang oa mafutsana. Esita le ho isa tlahong, "Linonyana li na le lihlaha, le liphokojoe li na le mesima, empa ha ho moo Mor'a motho a ka samelang hlooho ea Hae."

¹⁰³ 'Me, leha ho le joalo, Moea oo o phelisang O ileng oa hlompha Mohlanka eo oa 'nete ea ileng a Iketsa mohlanka, re tle re beheloe mohlala oo re ka o salang morao, O ile oa Mo phahamisa mekoting ea lihele, o ne a kene ka lebitla. Le ho ntša 'mele oo, le ho o lulisa Maholimong a maholimo, ho fihlela A phahamiselitsoe holimo hoo A lokelang ho nyarela fatše ho bona maholimo. Oa Mo neha Lebitso le ka holim'a mabitso 'ohle a ka bitsoang, maholimong le lefatšeng.

¹⁰⁴ Morena, re ke re amohele Moea oa Hae, bosiung bona. E ke ebe tlala ea pelo e 'ngoe le e 'ngoe ka mona. U bone matsoho a nyolohileng, Morena, ha se ho thothokisa litumeloana, kapa ha se ho ingolisa le likereke, kapa—kapa ho phehisana ka lintho *tsena*, kapa *tsane*, empa ho ikokobetsa lipelong tsa rōna, ho etsoa ba ipapitseng le setšoantšo sa Molimo. E ke e etsoe ke Moea o Halalelang, Morena. Eka Moea o Halalelang oa Molimo o ka re etsa. E seng ka mohopolo oa bohlalefi, ho re, "Re tlameha joalo, 'me re tla iketsa joalo," empa, leo ke lesea le hlomamisitsoeng. Empa, Morena, e ke e etsahale kannete ka Moea o Halalelang, le Tsoalo e ncha e re fetolang, ka nchafatso ea...ea moea oa rona, ho re etsa joaloka Eena.

¹⁰⁵ Utloa thapelo ea ka, Morena. E a fokola. Kea tseba, Morena, e a fokola. Ha ke rapelle feela ba ileng ba phahamisa matsoho a bona, empa bakeng sa matsoho a ka a nyolohileng. Nketse ea tšoanang le Eena. Molimo, ho sa tsotellehe seo U tlamehang ho nketsa sona, hore ke tlameha ho tla ke hloele lifofane life, nketsese hore ke tšoane le Eena. Ke batla ho tšoana le Jesu, ka pelong ea ka. Aba sena, Morena. 'Me e seng 'na feela, empa etsa bana bohle

mona, bosiung bona, ka mokhoa o joalo. Aba sena, Ntate, hoba re e kopa ka Lebitso la Jesu. Amen.

¹⁰⁶ Botho ba kereke bo itoketse. Ha kea koetla letho khahlano le bona kapa efe feela ea lintho tseo. Empa, moena, ho ba Mokreste, ho bolela ho bapa le setšoantšo sa Kreste. Re batla ho ba lišoantšo tse phelang; e seng ho jara setšoantšo, empa ho ba setšoantšo sa Morena Jesu.

¹⁰⁷ Ho na le sefelanyana seo ke batlang hore le nthuse ho se bina hona joale. Ha ke tsebe. Ha ke khone ho se bina, empa kea kholoa bohole le ka khona. Nthuseng. *Ho Tšoana Le Jesu*. Ba bakae ba kileng ba se utloa? Ke a tseba bohole re batla ho ba joalo, ka hona ha re Mo bineleng Sona.

¹⁰⁸ Kea elelloa hore Moea o Halalelang o moholo o teng mona. U ke ke oa ipata. Davida o itse, “Leha nka ala malao a ka liheleng, le mono O tla ba teng.” ‘Me O tla ba hohle. Ka hona, O teng hantle mona, bosiung bona. O tseba khato ka ’ngoe, ketso ka ’ngoe, ntho ka ’ngoe eo re e etsang, tebello ka ’ngoe, mohopoloo ka mong. O tseba tshole ka eona. Na ha le lumele seo?

Kahoo ho tšoana le Jesu, ho tšoana le Jesu,
Lefatšeng ke batla ho tšoana le Eena;
Leetong la bophelo lefatšeng ho ea Khanyeng
Ke kōpa feela ho tšoana le Eèna.

¹⁰⁹ Na ha le rate seo? Mamelang sena joale:

Sejelong sa Bethlehem ho tsoile Moeti,
Lefatšeng ke batla ho tšoana le Eena;
Leetong la bophelo lefatšeng ho ea Khanyeng
Ke kōpa feela ho tšoana le Eèna.

¹¹⁰ Na le a tseba hore ke hopolang kelellong ea ka hona joale? Maobane, ke ile ka nka bukana ea ledgjara ea khale ea kereke. E bile...Ha ke e-so e bone. Be, ho bua ’nete, ke lekhetlo la pele ke e sheba. Ka na ka tlameha ho e sebelisa mohla kereke e neng e theoa la ho qala. ‘Me lebitso la Moena Seward le ne le le teng mono, ‘me ho e-na le Moena George DeArk, le Moena Weber, mabitso ’ohle mono. Ka bona tlase, littlelase tse nyenyane tsa sekolo sa Sontaha. Ka bona kakaretsoa eohle ea monehelo oa rona, oa lihlopha tse hlano, e le dolara le lisente tse mashotšeleta, tsa tabernakele ena, ka makholo a lutseng mona; dolara le lisente tse mashome a tšeletseng. Le a bona? Ke ntano sheba chate ea kajeno. Ka nahana, “Ho se ho tsamaile ba bakae!” Ke bone Moena Frank Broy mono, ma. Eo ke ratsale. Ke bone makhaba ao a khale ’ohle, Mof. Weber. Mekaubere eohle, bohole ba hloele sehloelito, ba nyolohetse mokatong o ka Holimo. Bohle ba iketse. Ke hopola mohla re neng re ema mona. ‘Me ka nahana, “Morena Molimo, kereke ea rona e ka bonahala e le ntle ho feta, ‘me re emetse ho aha e ’ngoe, empa, Morena, na joale U re rata ho feta kamoo U neng u etsa mohlang oo?” Che, ha ke lumele hore O etsa joalo.

¹¹¹ Re ne re tloaetse ho ema re bina, “Ke kopa feela ho tšoana le Eena, leetong lohle la bophelo.” Ke bona George e monyenyan a butse k’holoro ea molala oa hae *joalo*, ’me mofufutso o thunya ho eena, ho thatela sakatuku ea hae lipakeng tsa menoana ea hae. Ke bona lifahleho tseo tse ratehang, tsa khale tsa bahalaleli morao koana, li lla, ba phahamisitse matsoho a bona.

¹¹² Bareri ba kena mohahong ba re, “Hela, moshanyana! U khona joang ho baballa batho ba le khopolo e ’ngoe *joalo*? ”

¹¹³ Ka re, “Ha ke amane le eona letho. Ba ne ba bopiloe ba fetohela setšoanong sa Molimo, tlase setulong sa khale sa lerole la patsi, tlase koana kae-kae, moo ba fumaneng Kreste pelong ea bona.”

¹¹⁴ Ke monko o monate hakakang, lithapelo tseo, ha li ne li nyoloha, kamehla, bosiu bohle. Re ne re kena khetlong le leng, re etelana malapeng, le ho khutlela hae ka meso; ho rapela bosiu bohle. Ha re sa fumana botšepehi boo hape. Bo bonahala bo nyametse. Bothata ke bofe? Bothata ke bofe? A re khutleleng leratong la pele leo re kileng ra ba le lona.

Le ho tšoana feela le Jesu, ho tšoana le Jesu,
Lefatšeng ke batla ho tšoana le Eena;
Leetong la bophelo lefatšeng ho ea Khanyeng
Ke kōpa feela ho tšoana le Èena.

¹¹⁵ Na u ka hla ua etsa *joalo*? A re se bineng le phahamisitse matsoho a lona.

Ho tšoana feela le Jesu, ho tšoana le Jesu, (Ho
bapa le setšoantšo sa Hae!)
Holim’ a . . .

Le ratane.

. . . ho tšoana le . . .

Re litho tsa ’Mele oa Hae. Re lokela ho tšoana le Eena.

Leetong la bophelo lefatšeng ho ea Khanyeng
Ke kōpa feela ho tšoana le Èena.

¹¹⁶ Na u hlile u tīle ka seo? E reng, “Amen.” [Phutheho e re, “Amen.”—Mohl.] Joale na oo ha se moea o hlabosang? Nka mpa ka fumana Oona ho feta sefe seo ke se tsebang lefatšeng. Ke . . . U ka nka lefatše lohle, le mekhabo ea lona, bahlalefi bohle ba lona, lingaka tsohle tsa lona, borabi, bobishopo, bontate ba halalelang. Mpheng Jesu. Ke hantle. Ke mpe ke fumane Eena feela, ka mokhoa oa mehla-ea-khale. Ke Mo utloa tlase pelong ea ka, le ho lekola maphelo a ka, le ho bona litakatso tsa ka e le ho Mo sebeletsa, ka boikokobetso, bonolo le boithobo. Ke seo re se hlokang, metsoalle. Ke re . . . Ke Jesu eo. Eo ke Jesu oa Bibele. E seng Jesu oa hlalefo, empa Jesu oa moea. O teng mona, bosiusing bona.

¹¹⁷ Ke ba bakae ba kulang le ba hlokang? Phahamisang matsoho a lona, ho hloka Kreste. U a kula 'me u batla ho rapelloa? Phahamisetsang matsoho a lona, holimo, ke tle ke bone hore na u mang.

¹¹⁸ Be, ke ba bakae ba nang le takatso pelong tsa bona, ho rapella motho e mong ea kulang? Ha re boneng matsoho a lona ha a phahaha. Ho lokile. Ho na le a 'maloa.

Ke ba bakae ba lumelang hore Jesu esale Eena?

¹¹⁹ Ha re a aba likarete tsa letho tsa thapelo. a ke... Ha ho likarete tsa letho tsa thapelo, na li teng? Ha ke hopole ba ne ba le teng.

¹²⁰ Na le a lumela hore Jesu Mopholosi oa rona A ka fihla, bosiung bona, ho rona? 'Me haeba re bina, 'me ke bua ka ho halimisa setšoants̄o sa Hae, O ne a ka etsang holane A eme mona? Le nahana hore O ne a tla etsa joalokaha A entse ho Johanne 4, moo A boneng mosali selibeng, le ho 'molella, ho tseba se neng se lutse pelong ea hae, le ho mo hlalo setsa, le ho 'molella? 'Me o tsebile hore E ne e le Messia. Le lumela seo? Le lumela eena Jesu eo—eo ke Moprista e Moholo... [Sekheo lebanteng—Mohl.]... letsoho la Molimo. Le lumela eena Jesu eo, bosiung bona, ea neng a tsamaea tsatsi le leng... .

¹²¹ 'Me ho ne ho se mola oa thapelo, empa ho ne ho ena le mosali e monyenyanee ea nang le phallo ea mali. A fohla hara letšoelle ho fihlela a ama seaparo sa Hae, a khutla a lula fatše. 'Me Jesu a reteleha, a re, "Ke mang ea Nkamileng?" Le a lumela hore Jesu esale eena Jesu le kajeno? Le takatso ea hae, ka pelong ea hae! Le a bona, u ne a tšohile. A khutla a lula fatše. A ema. 'Me Jesu a re, "Ke mang ea Nkamileng?"

¹²² 'Me e—e... Petrose, moapostola, a mo khalemela, a re, "Morena, khele, bohole ba U ama!"

¹²³ O itse, "E. Empa ena e ne e le kamo e fapaneng. Molemo o tsoile ho 'Na. Ke—ke o utloile." 'Me A qamaka hohle, hara letšoelle, ho fihlela A bona mosali e monyenyanee eo. 'Me A 'molella hore o ne a e na le phallo ea mali 'me tumelo ea hae e mo folisitse.

¹²⁴ Na ke Jesu eo? Ho ka... Na re ka ikokobetsa, bosiung bona, le ho fetoloa ka nchafatso ea moea oa rona, ka Moea o Halalelang, hoo re ka nehelanang ka melomo ea rona, mahlo a rona, le tumelo ea hau, le tumelo ea ka, hoo A ka tlang a tsoa har'a letšoelle le ho kena ka ho lona, le ho kena ka ho 'na, ho phethahatsa Lentsoe la Hae, hore Ke Moprista e Moholo oa maipolelo a rona? U lutse letsohong le letona la Molimo, ho etsa bobuelli holim'a maipolelo a rona. Hape ke Moprista e Moholo ea ka angoang ka ho ts'oana le mohla A neng A le lefatšeng mona, ka maikutlo a mefokolo ea rona. Le lumela seo? ["Amen."] Eena Jesu eo.

¹²⁵ Ke ba bakae ka mona ba nang le tlhoko ea hau kapa motho e mong, ba bang ba lona bao ke sa ba tsebeng, motho eo le mo tsebang eo ke sa tsebe seo? Ke tla e bua joalo. Ha ke tsebe letho ka uena kapa kopo ea hau. Empa u lumela hore Jesu o teng mona ho Iphethahatsa, ho Itlhahisa pepenene ho rona, ho sebetsa ka ho rona ka mokhoa oo A entseng mohla A neng a le ka ho Jesu Kreste. Le lumela seo? Phahamisang matsoho a lona, mang oa lona ea tsebang ke sa mo tsebe joale. Le a bona? Ha ke u tsebe.

¹²⁶ Be, ha re boneng. Re ka tsepamisa maikutlo hokae, lekhetlo la pele? Joale le apare hlompho. Haeba A ka etsa sena, na le tla Mo lumela, ka pelo ea lona eohle? Le a bona? Ke ikutloa feela... Ke ne ke tla le biletsa holimo mona 'me ke le behe matsoho. Ha ke lumele hore ke tla etsa joalo. Ke lumela hore Jesu o teng.

¹²⁷ Rona, ha se ho—ha se ho khoesa setšoantšo sa Hae, empa ho ba setšoantšo sa Hae. Ke Jesu eo re mo batlang. Na ha ho joalo? Ho ba setšoantšo! Ho lokile.

¹²⁸ Joale, Morena Molimo, polelo e kholo ke ena. Empa ke Uena, Morena, Ea entseng tšepiso. Joale re tlameha ho hatella pele ka matla. Joale ntho e tlameha ho etsoa, leha koana re se phutheho ea bolumeli. Re batho ba fokolang, ba ikokobelitseng, ba futsanehileng, ho re, bongata ba rona re ka lelekao likerekeng tse kholo, tse hlalefileng. Haeba re ne re ile teng, re ne re ke ke ra apara joaloka bona. 'Me hape, ntho e 'ngoe, ha re ka ema, 'me Moea o ka hlohonolofatsa 'me ra re, "Amen," joaloka ha Mangolo a bolela, re ne re tla lelekelo kantle, hang-hang. 'Me ba bangata ba ke ke ba amoheloa: ba bang ba bona, ka baka la 'mala oa bona; ba bang ba bona, ka baka la tumeloana ea bona; ba bang ba bona, hobane ba U rata haholo hakana. 'Me ba—ba na le Moea. Ba shoele nqa lintho tsa lefatše, 'me ba tsoetsoe bocha. Empa ba fumane Bophelo bo bocha, Bophelo ba mosebeletsi.

¹²⁹ Empa re phuthehile mona, Morena, tlas'a marulelo a manyenyane ana ao U re fileng ona, ao re a ananelang. Joale, Morena, ho ke ho tsebjoe hobane U Kreste, ea tšoanang, le hore Enoa e moholo eo re buang ka eena, O teng hona joale ho tsebahatsa le ho sebetsa kamoo A sebelitseng mehleng ea Hae lefatšeng mona. Aba sena, Ntate, hore ba tle ba bone 'me ba lumele. Hoba ke e kopa ka Lebitso la Jesu. Amen.

¹³⁰ Na le lumela seo, seo le se kopang, le a se fumana? Tumelo ke eng? Tumelo ke 'nete. Tumelo ke ntho eo u e tsebang e le ntho ea sebele. Tumelo hase letho leo u le hakanyang. Tumelo ke seo u se tsebang, le a bona, ntho e theohelang ka har'a moea ea hau.

¹³¹ Ke batla bao ba sa ntsebeng, le 'na ke sa le tsebe, 'me koana le na le kopo kapa takatso, na le ka phahamisa matsoho a lona hape. Ke batla feela ho fumana e—e mohopolo o akaretsang, motho e mong le e mong ka mona eo ke sa mo tsebeng. Ho lokile. E hohle feela. Ha ke rate ho bua le batho bao ke ba tsebang, hobane ba bang ba ka re, "U a ba tseba." Empa ho phahame

matsoho a mangata, ao ke neng ke sa a tsebe. Joale, ha Morena Jesu a ka aba sena, na lona ba bang le tla e lumela ka lipelo tsa lona tsohle, le ho amohela lipholiso tsa lona leha e ka ba eng?

¹³² Ka kopo, ha re—ha re rapeleng, ka lipelong tsa rona, “Jesu tlosa pelaelo eohle.” Khele, Jesu a ke ke a belaela. Haeba re le setšoantsong sa Hae, rea lumela. O ile a lumela Molimo. O tlela ho etsa thato ea Molimo. O ne a sa tsotelle seo motho a se buang, kapa seo mang a se buileng. O tlie ho etsa ntho e le ’ngoe: ho ba mosebeletsi oa Ntate oa Hae. ’Me Ntate oa Hae o ne a ahile ka ho Eena. Re tlela ho ba mohlanka oa Molimo. Moea o Halalelang o ahile ka ho rona. Re batla ho Mo sebeletsa.

¹³³ Ke tla tsepamisa maikutlo ho mosali, e—e mosali oa bammala ea lutseng hantle morao mona. Ke lumela a phahamisitse matsoho a hae, hore ke ne ke sa mo tsebe. Hoba seo—seo . . . Be, ba babeli ba bona mono. Ho lokile. Ha ho le ea mong oa maleiti ea ntsebang, kapa ’na ke le tseba? Haeba ho le joalo, phahamisang matsoho a lona, hore ha ke le tsebe. Phahamisang matsoho a lona. Ho lokile. Ho lokile. Ha re tsebane e mong ho e mong. Lengolong, ho boletsœ . . . Lebaka leo ke le hlokomseng, le a . . . Le ne le le batho ba ’mala. Le a bona?

¹³⁴ Mosali o kile a ba teng, khetlo le leng, ka Bibeleng, khaolong ea 4 ea Santa Johanne. Jesu a fihla selibeng, ’me teng ho le mosali oa Mosamaria. E ne e le e—e mosali oa morabe o fapaneng. ’Me Jesu a buisana le eena, metsotsoana e ’maloa feela, A ba a fumana bothata ba hae, le ho ’molella bothata ba hae. ’Me eitseha A ’molella bothata ba hae, a re, “Monghali, ke a lemoha hobane U Moporofeta. Joale, re a tseba, mohla Messia a tlang, O tla re bolella lintho tsena.” Empa ba ne ba sa utloisise hoba E ne e le mang. “Khele,” a re ho Eena, “U mang?”

’Me Jesu a re, “Ke ’Na, Ea buang le uena.”

¹³⁵ A boela kena motseng, moo a tsoang teng, le ho re, “Tloong, le bone Monna Ea mpoleletseng lintho tseo ke li entseng, ho mpolella se phoso. Na eo ha se eena Messia?”

¹³⁶ Na lona basali le kile la bala seo? Ehlide. Santa Johanne, khaolo ea 4. Be, haeba . . . Jesu ke oa maobane, kajeno, le kamehla. ’Me u eme lijarete tse mashome a mabeli ho tloha ho ’na, kapa u lutse, ke rialo. Na u lumela eena Jesu eo, ea buang mahareng a rona, a ka ntšenolela seo u se batlang, ho tloha mona? Haeba ke u boleletse ’Nete, Bibele ena e ke ’nete, A ka e etsa, na A ke ke a khona? Haeba A ka e etsa, na u tla e lumela?

¹³⁷ Mosali ea ntlheng, a ncibile, ka nqa *ena*, o tšoeroe ke bothata ba mokokotlo oo a batlang hore o folisoa. Ke hantle feela. Haeba ho le joalo, phahamisa letsoho la hau, mofumahali ntlheng. Ke moo.

¹³⁸ Joale ho ka thoe’ng ka uena, leleiti? Na le uena, u a lumela? Ke kholoa u itse u moeti ho ’na, hape, pel’hae. Bothata ba

hau ke hlooho. 'Me u jeoa ke letlalo, hape. Haeba e le 'nete, phahamisa letsoho la hau.

¹³⁹ Joale, e-eang hae. Bobeli ba lona le tle le phele. Tumelo ea lona e le phelisitse.

¹⁴⁰ Na le a lumela Jesu o teng mona, bosiusing bona? Ho ka thoe'ng ka bang ba lona, hohle ka mohahong? Nqa e'ngoe, lumelang.

¹⁴¹ Mosali ke enoa o lutse mona, a ntse a rapela. Ke mohlabani. Ke a mo tseba, empa ha ke khone ho ithusa hoba Leseli leo le lopalelse holim'a hae. Eo ke Mofumahatsana Bruce. Joale, Mofumahatsana Bruce, ha ke tsebe letho ka bothata ba hau. U kile oa folisoa, mofetše, khetlo le leng. Empa hantle mono monyako oo, khetlo la pele nkileng ka rekisa... bolelloa... ke u bone ueme monyako oo, Moea o Halalelang o mpoleletse ntho eo ho seng motho ea e tsebang haese uena le ngaka. Ke hantle. Hase eona? U a lumela A ka mpolella se phoso joale? Ke a u tseba, empa ke-ha ke tsebe bothata ba hau. Ha ke na le mohopololo. Hoba, u folisitsoe mofetše. Empa nke ke ka thusa haeba Leseli leo le lopalelse holima hau. U a bona? Le lutse hantle mono.

¹⁴² Joale, ke bona ho hlaha motho e mong. Hase sebakeng sa hau. Ke sebakeng sa motho ea jeoang ke mofetše. Ke hantle feela. 'Me ke boela ke bona mosali, kapa ho hong. Ke moetsalibe, kapa ho hong, o na le tloaelo ea ho noa, kapa ho hong. 'Me u nkile lisakatuku tse peli ho uena, hore ke li behe matsoho, bakeng sa bona—bakeng sa toelo ea bona. Hoo ke HO RIALO MORENA. Ke hantle feela. Joale u be moahloli. Na ho joalo? Haeba ho le joalo, phahamisa letsoho la hau.

¹⁴³ Motho e mong morao ka *mona*, eo ke sa mo tsebeng, phahamisa letsoho la hau, motho eo ke sa mo tsebeng. Mona, ho na le... Hoo ke eng? Phahamisang matsoho a lona hape, hantle mono sekutlong. Mono ho lutse basali ba bane kapa ba bahlano. Na le a lumela ke mohlanka oa Hae? Na le lumela hore seo le se bonang se laoloa ke Moea oa Molimo? Le etsa joalo? Ha le ka lumela.

¹⁴⁴ Mosali ea lutseng, a nchebile, ka katibanyana, a roetse ligalase, ka masale a batlang a le masoeu. E. Hase sebakeng sa hau. Ke bakeng sa motho e mong, 'me ba maemong a mabe. Ke ho lutlela mali ka hare. Ba kokelong. Kokelo eo e New Albany. Ke 'nete eo. HO RIALO MOEA O HALALELANG.

¹⁴⁵ Mosali e mocha, na u ne u phahamisitse letsoho la hau? Mosali, lehlakoreng le leng *lena*, a nchebile ka nqa ena, na u a ntumela? U na le takatso pelong ea hau. U a lumela Molimo o ka ntšenolela eona? Ho lokile. U ntse u rapella motho e mong, le uena. Ke motho ea nang le lera la mahlo. Ba tšohile hore ba tla foufala. Ke 'nete. Joale, ha u ka lumela sebakeng sa hae, a ke ke a foufala ha u ka e lumela.

¹⁴⁶ Mosali hantle feela morao, ntlheng mono, morao kamora mosali ea phahamisitseng letsoho la hae. U jeoa ke maemo a

methapo. Ke hantle. Dinerefe tsa hau li 'metsong oa hau. Ke hantle. Hase eona? Ka hona phahamisang matsoho a lona haeba lintho tseo li le joalo. Lona basali mono, ke bua le lona. Ho lokile.

¹⁴⁷ Mosali eo ea latelang mono e ne e le eng? Na u ne u phahamisitse letsoho la hau, le uena, khaitseli, mono? Phahamisa letsoho la hau, ea holileng eo... Ho lokile. U na le ramatiki eo u batlang ho rapelloa ka eona. Ke hantle. Ha se eona? Phahamisa letsoho la hau. U a lumela?

¹⁴⁸ Motho e mong—motho e mong morao ho kereke, lumela, eba le tumelo.

¹⁴⁹ Ke bona mosali a nchibile hantle, o shebile lipakeng tsa basali ba babeli hantle mona. O phahamiselitse monoana molomong oa hae. O tobane le oporeishene, ea lelana. Ke hantle feela. Haeba ho le joalo, phahamisa letsoho la hau, mofumahali. Ke eo moo a leng teng.

¹⁵⁰ U a lumela? Ke eng? Ke Jesu Kreste, Mora oa Molimo. Na u lumela ka pelō eohle ea hau?

Joale, motsotso feela, khaitseli.

Ho tšoana le Jesu, ho tšoana le Jesu,
Lefatšeng ke batla ho tšoana le Eena;
Leetong la bophelo lefatšeng ho ea Khanyeng
Ke kópa feela ho tšoana le Eèna.

¹⁵¹ Joale le bona ho shoa ha kereke ea tsatsi lena. Ho ka be ho etsahetse'ng mehleng ea Morena Jesu, ha e ne e etsahala? Mosali eo, o ne a thabile haholo, a liha nkho eo ea metsi, 'me a kena motseng. A re, "Messia o teng!" Empa, kajeno, e, ha le eso hlekemane ka ho lekaneng, tlase aletareng, ho amoheila Tsoalo e ncha le joale. Phoso e teng kae-kae. Hoo ho ka romela Moea o Halalelang har'a nqalo ena mona, ho ka tsosa tsoseletso, khalimiso ea Jesu Kreste, setšoantšo sa Hae se bopehile mona, se haola hara batho, ho etsa hoo. Bothata ke bofe? Ntho e a haella. Re hloka tsoseletso.

¹⁵² Ba ba bang ba kulang ba ba bakae? Phahamisang matsoho a lona, ba kulang le ba hlokang.

¹⁵³ Behanang matsoho holimo. Ha re rapeleng. Ka potlako hantle joale, beanang matsoho holimo, le itokisetse ho amoheila pholiso ea lona. Ha u ka lumela ka pelo ea hau eohle, u ka folisoa hona joale.

¹⁵⁴ Ke ne ke hloletsoe. Re ne re bua ka mosali, tsoalo. Ha ke eso fumane, bophelong ba ka, mosali a le mong, ho ea ka tsebo ea ka, ea kileng a tla kalaneng, a lakatsa lesea... Ho etsahalang? Haeba nka 'mona, le ho e bona e etsahala, ea nang le takatso a batla ntho e nepahetseng, Ke re ho eena, "Mofumahali, u batla lesea."

Eena, "E, Moena Branham."

¹⁵⁵ Ke tseba mosali, oa lilemo tse mashome a mane a metso e robong, ea nang le lesea la moshanyana joale. Bophelong bohole ba hae, esale a phetse le monna enoa, be, ho tloha a le lilemo tse ka bang leshome le metso e tšeletseng. O mashome a mane a metso e robong, 'me eena o mashome a mahlano le ho hong. Hang hoba e boleloe, "HO RIALO MORENA. Ke hantle, u tla fumana lesea lena." A ea hae 'me a rekela lesea liaparo. Lilemo tse tharo hamorao, mohlang oo a le lilemo li mashome a mahlano a metso e 'meli, a tsoala moshanyana esale a labalabela ho mo fumana. Hobaneng? Hoba a e utloe e boleloa, a tseba hoba e tlamehile ho etsahala. E ile ea etsa'ng? E ile ea mo beha maikutlong a nepahetseng. Haeba bana... Moea o Halalelang o molemo haholo ho tla tla bua lintho tsena ho batho. Haeba e ka... Ha u ka ba le maikutlo a nepahetseng hona joale, pholiso e phethehile.

¹⁵⁶ Oho Morena, U Molimo, 'me U Molimo kamehla le mehla. 'Me re-re thabile haholo ho tseba hore U tšepisitse hore U tla ba le masala mohla U tlang lefatšeng. Ho sa tsotelehe se tlohang kapa se tlang, batho teng ba tlang ho itokisa. Rea tseba e teng karolo ea leshome eo motho a e abelang Molimo. 'Me karolo ea leshome e teng har'a batho. Koana, mohlomong re ka re, karolo ea leshome, ea kotulo eohle ea lefatše ho theosa le mengoaha, e tla ba Bakhethoa ba bitsitoeng.

¹⁵⁷ Oho Ntate, re a rapela, re sa sebetsa ka thata mona, rona bohole 'moho, ho fuputsa har'a motse, ho leka ho kenya baetsalibe, ho leka ho etsetsa 'Muso oa Molimo lethoana. Re theoha re kena motseng, re bona monyemo. Rea o bona. 'Me joaloka Lota, Sodoma, meeaa ea rona e tujoa letsatsi ka leng, ho bona basali ba tsubang lisakrete 'me—'me ba ipolela hore ke Bakreste, le ho noa, le bohlasoaa, le ho apara liaparo tse hananang lemekhoa. Le—le banna ba lakatsang. 'Me, oh, sebe sa Sodoma! Lipelo tsa rona li hlomohile ka hare ho rona, Morena.

¹⁵⁸ Oho, ha ho makatse ha tumelo e le notong e tlase, ha batho ba le joalo, ba hloka Mali a Jesu. Hoo ho ne ho tla halaletsa meeaa ea bona le ho e tukisa nqa Molimo, empa leha ho le joalo ba ke ke ba e amohela. 'Me dimishone tse nyenyane likoung, li tilinya meropana le likupu, li eme likhutlong tsa tsona, 'me ba a re tšeheha re tlisa bahalaleli ba Molimo o phelang.

¹⁵⁹ Oh, re U leboha hakakang, Ntate, ka sefofane se itseng, kae-kae, se tla rera Evangelii, se tla nanabela matsoho a batho. Aba, Morena, hona joale re sa rapela, le ho tseba hore Moea oa Hau o Halalelang o moholo le Mangeloi a—a malulong a 'ona mona ka kerekeng ena.

Molimo, tšoarela sebe se seng le se seng.

¹⁶⁰ Batho ba kula mona, bosius bona. Ho na le ba bangata ba bona. U Iponahalitse ho ba mona, Morena, ka bahlanka ba Hau. Bongata ba bona kantle mono ba neng ba nanabela ba bitsa

ba hula. 'Me, Morena, U tseba hore—hore ke Uena feels Ea ka lumellang sena ho etsoa. U Molimo, homme Molimo o le mong, 'me U e etsetsa morero oo U tsepisitseng hore U tla e etsetsa oona. 'Me ke pontšo ea ho qetela ho kereke, joaloka ha U buile. Nako ea bofelo e fihlile.

¹⁶¹ Hape U botsitse potso ena, "Na Ke tla fumana tumelo mohla Ke fihlang lefatšeng?" Le ka mohla ha U a botsa, "Na Ke tla fumana litho tsa kereke? Na Ke tla fumana litumeloana? Na Ke tla fumana botšepehi?" U itse, "Na Ke tla fumana tumelo mohla Ke fihlang lefatšeng?"

¹⁶² Morena, batho bana ba kulang ba ke ba lokolle tumelo ea bona, ba tsoe litsietsing, le lipelaelong, le litšabong. A tumelo ea bona e lokolloe hona joale. 'Me ha ba ka lokolla tumelo ea bona, lefu le tla tlameha ho lokolloha, liabolosi o tla fuparolla phuparo ea hae, 'me ba tla lokolloa ke Matla a Molimo o Matlaohle. A Moea o Halalelang o phalle pelong e 'ngoe le e 'ngoe, ho kolobetsa moea o mong le o mong, 'me ho folisoe 'mele o mong le o mong o ka pel'a Sefahleho se Khethhehileng. Aba sena, Morena.

¹⁶³ Ke kopa sena, hore liabolosi a tlohele motho e mong le e mong eo ba mo hlorisang ka mona, bosiung bona. Ka Lebitso la Jesu Kreste, Satane, itokolle bathong bana. Joaloka mohlanka oa Molimo, kea ba llela, ke ba kōpela mohau. Amen.

¹⁶⁴ Ke ba bakae ba lumelang ka pelo ea lona eohle joale, ka tsohle tse ka ho lona, hore Jesu Kreste o Ikhalmisa lefatšeng kajeno har'a batho ba Hae? Le a Mo rata na?

¹⁶⁵ Joale ha re bineng sefela sena sa khale hammoho, *Kea Mo Rata*. "Kea Mo rata hoba A nthatile pele." Bohle 'moho, re sa ema joale. E mong le e mong joale, bohole 'moho. Ke ba bakae ba se tsebang? Phahamisang matsoho a lona. *Kea Mo rata*. Ha re Mo khumameleng joale.

¹⁶⁶ Bakuli bohole, bohole ba mahlomoleng, emang ka maoto a lona joale, amohelang pholiso ea lona. Ke a lumela, le ka pelo ea ka eohle. Haeba u u ka lokolla tumelo ea hau feels, hona joale! Kreste oa Molimo, Ea leng teng, ke ho . . . O etsang? Ho re bopa ka setšoantšo sa Hae. Le a bona? Moea oa Hae mona, o Ikhalmisa hantle ho ea ho uena.

¹⁶⁷ Joale, le a tseba hore ha se 'na. Ha ke tsebe batho bao, ebang e ne e le bomang, ba phahamisitseng matsoho a bona. Ba phahamisitse matsoho a bona, hore ha ba ntsebe. 'Me ka phahamisa matsoho a ka, ke ne ke sa ba tsebe. Empa Molimo o a ba tseba. Ke eng?

¹⁶⁸ Ke Kreste ea Ikhalmisang. Tumelo ea hau ke ho e lumela. Ke tumelo ea ka nqa bosebeletsi, boo A nthasiselitseng bona ka Lengeloi; Leo le bonang setšoantšo sa lona, se leketlileng liholong tsa borapeli tsa bonono, le hohle moo Se leng teng lefatšeng lohle, Se a tsebahala, Topallo ea Mollo e eteletseng bona ba Iseraele pele.

¹⁶⁹ Mohla E neng e etsoa nama, E ne e le sebopehong se bitsoang Mora oa Molimo. O itse, “Ke tsoa ho Molimo ’me Ke khutletse ho Molimo, ho khutlela ho Molimo.”

¹⁷⁰ Kamora lefu la Hae, kepele le tsoho, Pauluse o kopane le Eena, tseleng e eang Damaseka, ka sebopeho sa Topallo ea Mollo, ka Leseli le fahlileng mahlo a hae. Pauluse o itse, “U Mang, Morena?”

¹⁷¹ A re, “Ke ’na Jesu. Ho thata ho uena ho raha litsenene.”

¹⁷² Jesu o itse, “Ho se ho se hokae, ’me lefatše,” kosmos, tsamaiso ea lefatše, maloko a kereke, joalo le joalo, “ha le sa tla Mpona, haele lona le tla Mpona. Hobane ’Na,” lereo la motho, “’Na, Jesu eena eo, ke tla ba le lona, le ka ho lona, ho isa bofelong ba lefatše. ’Me mesebetsi eo Ke e etsang le tla e etsa le lona. Le tla etsa le mengata ho ena, hobane Ke ea ho Ntate oa Ka.” Amen. Oh, khili!

Ke a Mo rata, ke a Mo rata
 Hoba A nthatile pele
 Le ho lefella poloko ea ka
 Fateng sa Kalvari.

¹⁷³ Oh, re sa bina seo hape, ke batla Mamethodise, le Mabaptise, le Mapentekosta, le Manazarene, le Pilgrim Holiness, church of God, bohole, lona bohole ’moho, ke batla le tsukutlane ka matsoho le motho ea ka pele ho uena, le ka morao ho uena, le lephakong la hau, re sa ntse re e etsa joale. Bohole ’moho.

Ke . . . (Molimo a u hlohonolofatse, moena,
 moreri.) . . . Mo rata
 Hoba A nthatile pele
 Le ho lefella poloko ea ka
 Mane Kalavari . . .

¹⁷⁴ Joale ena ke taolo ea tsoho, “Rona ba phelang ba setseng re ke ke ra raka ba shoeleng, hobane terompeta ea Molimo e tla lla ’me ba shoetseng ho Kreste ba tla tsoha pele. Rona ba phelang ba saletseng re tla nkela holimo ’moho le bona, re kopana ’moho pele re kopana le Eena. Ho kopana le e mong le e mong pele re kopana le Eena, ho nkela holimo ’moho le Eena, le bona, ho kopana le Morena sebakeng, bohole ’moho.”

¹⁷⁵ Joale re kopane e mong le e mong, re tsukutlane ka matsoho, joale ha re Mo lumeliseng.

Ke a Mo rata, ke a Mo rata
 Hoba A nthatile pele
 Le ho lefella poloko ea ka
 Holim’ a Kalvari . . .

E fokotse lebelo.

¹⁷⁶ Mosali e mocha o oeble hantle feela ho tsoa moleng, ho tla hantle le ho khumama aletareng, a habea ’me a lla. Na ho ka ba le ba bang mona ba utloang kholiseho e tšoanang, ba ka ratang ho khumama le eena? Re ka thabela ha u ka nyoloha hantle le

ho nka sebaka. Molimo a u hlohonolofatse, moena. Na motho e mong a ka nyoloha hantle? Ho lokile.

Ke . . .

Mpope, Morena, 'me o nketse.

. . . ke . . .

Theohela tlung ea 'Mopi. O teng motho ea tlang ho nka sebaka?

Hoba A nthatile pele
Le ho lefella poloko ea ka
Fateng sa Kalvari.

Oh, na ha A babatsehe?

¹⁷⁷ Morena ea bokoang, mosali enoa e mocha U a mo tseba. 'Na che. Empa ntho e mohlolo e mo teile metsotsong e 'maloa e fetileng, hore a tsoe letšoeleng leo, a sa qophelloe ke letho. E ne e le Uena, Morena. O khumame mona aletareng, baratuoa ba sa le haufi, ba mo kopetse ka liphaka. Ho kopa mohau, le tataiso, le matla a moea, ho eena. E ke e etsoe, Morena. E ngoliloe, joale e ke e etsoe, ho re, "U ke ke ua hanela ba tsamaeang ka ho loka pel'a Hau ntho e molemo. Litšepiso tsa Hau ke e, le amen, ho bohle ba tla U rata 'me ba U latele."

¹⁷⁸ E re moroetsana a tsebe sena, kannete, bosius bona, hore ha ho letho Maholimong, le tšepisitsoeng Lentsoeng la Molimo, haese seo Molimo o ratang ka ho fetisisa ho se tšela pelong ea hae hantle nakong ena. Kabelo e khotsofatsang hakaalo e fuoe eena, a sa khumame a namaletse aletareng. A Moea o Halalelang o mo nehe lintho tseo tse lakatsoang ke pelo ea hae. Aba sena, Morena, hoba re kopa sena ka Lebitso la Jesu.

. . . A nthatile pele
Le ho lefella poloko ea ka
Ho . . .

(. . . ? . . .)

¹⁷⁹ Molimo o Ratehang, takatso ea mosali enoa e abeloe eena, bakeng sa moratuoa oa hae eo a neng a mo rata haholo. Moea o Halalelang o moholo o phethise mosebetsi, o ka phethisoang ke Oona feela nakong ena. Re e nehela eohle ho Uena; ho rapela hore . . . Mehauhelo ea Hau e molemo ho feta bophelo. Davida o itsalo. "Hobane mohau oa Hau ho 'na o fetisa bophelo ka molemo, melomo ea ka e tla U rorisa." Mo abele takatso ea pelo ea hae, Morena.

¹⁸⁰ Joalokaha kereke ena, le 'na, mosebeletsi oa Hau, re tla . . . le bareri bang ka mohahong, re qella kopo ea hae ka ho tiea. Ka Lebitso la Jesu Kreste. Amen.

Rea e tseka, khaitseli. U hloholofatsoe.

¹⁸¹ Joale e re batho bana ba sa inehela, ba ikhalaletsa, bobona, ho Morena, e re Moea oa Hae o sa ntse o haola ka moahong, ekare

re ka ema motsotso feela. Molisa o sebetsana le bona aletareng. Ha re luleng thapelong, nakoana feela joale. O ntse a tsoella joalo. 'Me ha re bineng joale. O buisana le e mong le e mong.

¹⁸² Ha re inamiseng lihloho tsa rona, re tle re kene thapelong.

Le ho lefella poloko ea ka
Fateng sa Kalvari.

Ke a Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

Nka khona, ke tla khona, kea lumela,
Nka khona, ke tla khona, kea lumela;
Nka khona, ke tla khona, kea lumela
Hore Jesu oa mpholosa joale.

Nka khona, ke tla khona, kea lumela,
Nka khona, ke tla khona, kea lumela;
Nka khona, ke tla khona, kea lumela
Hore Jesu oa mpholosa joale.

Ke tla Mo nka Lentsoeng la Hae,
Ke tla Mo nka Lentsoeng la Hae.
O ntlisa polokong ea feela
'Me ke tla Mo nka Lentsoeng la Hae.

Nka khona, ke tla khona, ke a . . .

¹⁸³ Sheba mona, mohlankana. U batla ho tsamaea le Molimo ka botebo? U lumela hore O tla u nea eona? [Moena o re, "E."—Mohl.] Ha u ka lumela ka pelo ea hau eohle, u ka e fumana. U a bona? U a e lumela? ["E, monghali. Ke etsa joalo."] Ho e amohela? ["E, monghali."]

. . . lumela hoba Jesu o mpholosa joale.

¹⁸⁴ Bohle ba Mo ratang, phahamisang letsoho. Ho re, "Ke a Mo rata, ka tsohle—tsohle tse ka ho 'na." Na ha A babatsehe? Re sa inamisa lihloho tsa rona, thapelong e koalang feela . . . Hopolang tšebeletso ea hosane bosiu. Ke tla le kopa, na . . .

¹⁸⁵ Haeba le ka khona, ka potlako e ka etsoang, e mong le e mong oa lona ba phahamisitseng letsoho bakeng sa poloko, ho tsamaela haufi, le lumele hore le e fumane. Haeba u sa e utloe, nka ngoana ea adoptiloeng. Le a bona? Se phetse ho e tlaleha e le ea hau fihlela e fetoha sebele.

¹⁸⁶ Uena ea amohetseng pholiso, 'me u sa utloe ka mokhoa o fapaneng; u re, "Tumelo ea ka—ea ka ha e ea lekana ho e sisinya hona joale, Moena Branham."

¹⁸⁷ Nka mokhoa oa ngoana ea adoptiloeng. U se phetse ho re, "Morena, ke folile. Ke a e lumela." E tla fihla. E tla u kenya maikutlong nepahetseng, u a bona, 'me tumelo ea hau e tla loka. E tla nka hoo. U mpe u e lumela ka pelo ea hau eohle.

¹⁸⁸ Joale, hosane bosiu, litšebeletso li tla qala ka mashome a mararo ka mor'a hora ea bosupa, nako e tloaelehileng, hosane bosiu, le bosiu bo bong le bo bong vekeng ena. Tsoang le utloe Moena Neville le bareri bana ba bang, le rona bohole, 'moho, mono ke ho leka ho tlisa tsoseletso. Molimo a le hlohonolofatse. Re ke ke ra e tlisa. U tlameha ho—u loketse ho e tlisa 'moho le rona, ka ho rapela, ho tla, ka boteng ba hau mona. Molimo a be le lona.

¹⁸⁹ Joale, ekare nka khona, hang feels ha e tsoile, kapele kamoo le ka khonang, ho... la tsoa moahong. Re na le nako ea halofo ea hora ea boitlhophisetso bo tla hlakisoa mona. 'Me banna ba bang ba sebetsa. 'Me re tla inamisa lihlooho tsa rona.

¹⁹⁰ 'Me ke lumela ke utloile Moena Junie Jackson morao har'a letšoele. Moena Junior, na u teng bosiung bona? Moena ea tsoang New Albany, kereke ea Methodise. Ho lokile. Moena Jackson na u ka re qhala ka lentsoe la thapelo?

[Moena Jackson o qala a rapela. Sekheo lebanteng—Mohl.]
...?... ho ba lechatong, tsoela kapele hona joale.

¹⁹¹ Morena a le hlohonolofatse. Re tla le bona hosane bosiu.

Ngoana masoabi le tllokotsi;
Le tla u thabisa le u tselise.

(...?...)



LITŠOANTŠO TSA KRESTE SST59-0525
(Images Of Christ)

Molaetsa wona, ka Moena William Marrion Branham, o rerilwe sethatong ka Senyesemane Mantaha mantsiboya, Motsheanong 25, 1959, Branham Tabernakele, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org